


պատմութեան կարեւորագոյն աղբիւրներէց:

Երկրորդ կարեւոր հանգամանքը մեր մանրանկարի շէնքի՝ նորա երկյարկանի լինելն է. եկեղեցական երկյարկանի շէնքերի մասին մեր մէջ խօսք կայ ժ. դարից (*). մանրանկարչական հնագոյն մնացորդները տեսանք Շիրնոցի և ապա մեր աւետարանի մէջ, իսկ ճարտարապետական «դռշաները» Հոռոմոսի վանքի դիմաց, Անիից եկող ճանապարհի վերայ, բայց նաև բուն վանքում, ապա Տեղերի վանքում,



(Պատկեր 15)

որ չինուած է կամ սկսուած ՈԿԲ = 1213 թուին եւ արդէն վերջացած ՈՀ = 1221 թուին Աղբալիկ ճարտարապետի ձեռքով, Վաչէ Վաչուտեանի և նորա ամուսին Մամախաթունի կողմից, Եղիպատրուշ դիւղում, այժմ Տամշլու կոչուած, Աբարանի շրջանում, դարձեալ Վաչուտեանների ժամանակից. եկեղեցու գաւթի երկու կողմից կան այդպիսի երկյարկանի, գմբեթաւորած շէնքեր, բայց ոչ անջատ սիւնների վերայ, այլ թմբուկով: Նոյնը պիտի լինէր և Արջուառձի վանքում Հ. Սարգիսեանի

նկարագրութիւնից դատելով: Գաւթներից անկախ նման շէնքեր, բացի Հաղբատի Համազասպաշէն զանգակատնից և Սանահնի նման շէնքից ժ. դարում, բազմաթիւ են և սիրուած ժ. դարի առաջին կիսում, ինչպէս Եղվարդի Ս. Յակոբն է, Կարբի զանգակատունը, Ամաղուի Բուրթելաշէնը և այլն, որոնց ծագումը մենք բացատրել ենք զանգակների գործագրութեան ընդունելութեան, արձանագրական կամ յիշատակարանների տուեալներին հետեւելով (*):

Բայց վերջերս արուեստի պատմութեան յայտնի մասնագէտ Գրաբարը նրանց ծագման մասին մի նոր տեսութիւն է տալիս, կապելով արեւելեան քրիստոնէութեան հնագոյն դարերի գամբարանների կամ վրկայարանների (μαρτύριον) հետ, Ասորիքում, Փոքր Ասիայում և Հիւսիսային Աֆրիկայում, որոնց զարգացումը յետոյ Հայաստանում և Բուղարիայում (**), կ'աւելացնենք մեր կողմից նաև Սելջուկեան արուեստի մէջ (***) : Մի ուրիշ գիտնական, Ն. Բրունով, ազդուած Գրաբարի աշխատութեամբ, այդ զարգացման միջին օղակն է համարում Հռիփսիմէի տիպի Մցխէթի Ս. Ուաչը՝ Վրաստանում: Այս ցուցումներից տեսնում ենք, թէ մեր մանրանկարի շէնքը ճարտարապետական ինչպիսի կարեւոր հարցի հետ է կապուած, հայ շրջանակից էլ դուրս, ընդհանուր արուեստի պատմութեան համար: Այս տիպի շէնքերը փոփոխակներով իրենց ազդեցութիւնը պահում են մինչև ժ. դարը, որի փառաւոր վերջին ձեւերպութիւնը էջմիածնի զանգակատունն է: Մեր հաւաքած առատ նիւթերը այս տիպի շէնքերի լուսարանութեան համար, յոյս ունենք կը յաջողուի կարճ ժամանակից յետոյ՝ յատուկ ուսումնասիրութեամբ մատուցանել պիտութեան:

Նկարչի տեխնիկան բարձր է և իւրատեսակ. գոյները նուրբ են և բարակ քսուած, կարծես լուսած՝ մագաղաթի վերայ:

(*) Բանբեր, Հայաստ. Գիտական Ինստիտուտի. 1921-1922. 188-190:

(**) Bi AB. I-1. 1922. Bolgarskia Zerkwi-Grobnizi.

(***) Bi AB. 1927. 135. K Woprosu o Bolgarskich dwychetajnich zerkwach-Grabnizach.

(*) Թովմա Արծրունի, Ղուկ. հրատ. Թիֆլիս, 1916. 405, 409, 412: